



## Indgået

**11 SEP. 2017**

Inatsisartunut ilaasortaq Debora Kleist, Inuit Ataqatigiit  
Maani/

NAMMINERSÖRLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

### **Kujataani nannut ajornartorsiutaaneratt pillugu § 37 naapertorlugu apeqqummut nr. 207-lmut akissut**

Ulloq: 05-09-2017  
Sulap normua: 2017-18923  
Akt nr.: 6033715

Inatsisartut suleriaasianni § 37, imm. 1 naapertorlugu Kujataani nannut ajornartorsiutaaneratt pillugu Naalakkersuisunut apeqquteqarsimavutit. Apeqqut uanga suliaasaqarfigisannit akineqartussanngorlugu innersuunneqarpoq.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apni@nanoq.gl  
www.naalakkersuisut.gl

*Ad 1) Kujataani illoqarfiit ungasinngisaani nannut qaninngoortartut amerliartorneri inuttaasunik naviagineqartutik isigineqartut pillugit Naalakkersuisut qanoq iliuseqarniarpat?*

Nannut Kujataani inoqarfinnut takkuttartut tassaagunarpud Tunup Kujataanit sikunut sarfamt sukkaasumik saatsersunut tissukarlutik uiaattartut. Tamanna nalinginnaasumik uteqattaartartumillu pisarpoq.

Inuit nannullu akornanni pisartut kissaatiginanngitsut pinaveersaartinniarlugit APN-ip najoqqutassanik ataatsimoortunik ineriartortitsisimavoq kingullermillu 2015-imi nutaanik ilaartorneqarpoq. Aasaq manna Kujataani savaateqarfiit eqqaanni nannunik pisorpasuit tunngavigalugit pineqartumut nalimmassaaneq aallartinneqarpoq.

Taamatut APN-imi nalunaaquttap akunnerini 24-ini oqarasuaatikkut piareersimasorpoq, pisumi taamaattumi inuttaasut kissaatigunikkum siunnersorneqarfigisinnaasaannik ilitsersuunneqarfigisinnaasaannillu. Aammattaaq APN politiinik, kommunefogedinik taavalu aalisarnermik piniarnermillu nakkutilliusunik attaveqatigiinneq ingerlanneqartarpoq.

Pissutsit imaassimappata allatut ajornartumik illersuisariaqalerluni /ajunaartuulernerimi pininnaatitaaneq atorlugu nanoq toqunneqarsinnaajuannarpoq.

*Ad 2) Kujataani nannuttassat arlaatigut amerlineqarnissaat pilersaarutaasinnaaneratt Naalakkersuisuniit takorloorneqarpat?*

Siusinnerusukkut § 37 naapertorlugu apeqquteqaammud nr. 30-mud akissuteqaat 2 innersuussutigineqarpoq:

Tunumut uumassusilerisut siunnersuineratt matumani ilanngullugu Kujataanut APN-ip utaqqimaarpat. Misissuinerit nutaat uumassusilerisunit allanit misissuisuunngitsunit misissorneqaaqqaassappud. Pisassiissutit allanngortinneqarnissaat naatsorsuutigineqanngilaq APN-ip uumassusilerisunit siunnersuinermik tigusaqartinnagu aamma siunnersuineq nutaaq tusarniaassutigineqaaqqaassaaq, kiisalu Naalakkersuisunit suliarineqarluni akuersissutigineqarlunilu.

*Ad 3) Kujataani savaatillit akornanni nannut ullumikkumut ukiup ingerlanerani savaatillinnik ajornartorsiutigineqartualersoq pillugu Naalakkersuisut iliuseqarfiginissaanut pilersaaruteqartoqarpat?*

Aasaq manna nannunik naammattoorsisarnermi APN-ip savaatillit attuumassuteqartut, SPS, politiit kiisalu takornarialerisut qanimut suleqatigisimavai oqaloqatigisarlugillu.

APN-ip KANUAANA-miit piniarnermit aalisarnermillu nakkutilliisoq peqatigalugu suliniarneq ataqatigiissaarpaa. Nunatta kujataani nannunik ajornartorsiuteqartoqarnerata nalaani piffissani arlalinni aalisarnermit piniarnermillu nakkutilliisoq ikiuussimavoq. Pisuni arlaqartuni nannut savaateqarfinnut isersimasut, nannut toqunneqarnissaannut piginnaatitsisoqarpoq. Tamanna pinerluttulerinermi inatsimmi ajunaartuulernermi pisinnaatitaanermut/allatut ajornartumik illersuisariaqalernermut aalajangersakkamut naapertuuppoq kapitali 2, § 9 aamma § 10.

Pinngortitaleriffimmi ilisimatuut isumaqarput savaateqarfiit nannut nalinginnaasumik uumaffigisartagatoqarinngikkaat. Ilisimasaq taanna aallaavigalugu siunissami Kujataani nannunut takkuttunut ajornartorsiutip aqunnissaanut savaatilinnut ajornaannerulernissaa APN-ip sulissutiginiarpaa.

Inussiarnersumik inuulluaqqusivoq



Karl-Kristian Kruse

Aalisarnermut Piniarnermullu Naalakkersuisoq